



Broj: 07-04-04-53807-55/23
Sarajevo, 11.03.2024. godine

KANTON SARAJEVO
Skupština Kantona Sarajevo
n/r Elvedin Okerić, Predsjedavajući
- o v d j e -

Predmet: Odgovor na zastupničku inicijativu

Zastupnica u Skupštini Kantona Sarajevo Hašimbegović Marijela, u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst. 15/13, 47/13, 47/15, 48/16. 9/20, 14/20, 16/22 i 17/22 - Ispravka) na 13. radnoj sjednici Skupštine Kantona Sarajevo održanoj 29.12.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu radi planiranja aktivnosti u oblasti civilnog sektora za Javnu ustanovu "Centar za napredne tehnologije u Sarajevo." U obrazloženju predmetne inicijative Zastupnica navodi da Javna ustanova "Centar za napredne tehnologije u Sarajevo" djeluje u oblasti odbrambenih tehnologija te da je s obzirom na prirodu posla koju obavlja i kapacitiranost Centra, a sve u skladu sa stvarnim potrebama, neophodno usmjeriti aktivnosti u civilnom sektoru radi ostvarivanja opšteg dobra. Dalje, se navodi da aktivnosti mogu ići u pravcu poboljšanja kvalitete zraka, otvorenih pitanja vezanih za upravljanje otpadom na deponiji "Smiljevići", podrška i pomoć našim javnim preduzećima i slično.

Odgovor:

Nakon detaljnog razmatranja predmetne inicijative Zastupnice u Skupštini Kantona Sarajevo Hašimbegović Marijele, Ministarstvo privrede Kantona Sarajevo, u okviru svoje nadležnosti, daje sljedeći odgovor: Prije svega, Ministarstvo privrede Kantona Sarajevo ističe da je Skupština Kantona Sarajevo donijela Odluku o osnivanju Javne ustanove "Centar za napredne tehnologije u Sarajevu", ("Službene novine Kantona Sarajevo", br. 28/18, 6/19 i 19/23) kojom su u članu 7. propisane djelatnosti ove Javne ustanove.

Međutim, bez obzira na djelatnosti Javne ustanove "Centar za napredne tehnologije u Sarajevu" propisane navedenom Odlukom, a koje djelatnosti ne tretiraju pitanja koja se odnose na poboljšanje kvalitete zraka, pitanja vezana za upravljanje otpadom na deponiji "Smiljevići", Ministarstvo privrede Kantona Sarajevo posebno ukazuje na činjenicu da je odredbama člana 9. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj: 40/22) propisano da Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo vrši upravne i stručne poslove utvrđene ustavom, zakonom i drugim propisima koje se odnose na oblasti zaštite okoliša.

Takoder, članom 2. stav (2) Zakona o fondu za zaštite okoliša Federacije Bosne i Hercegovine ("Službene novine Federacije BiH", broj: 33/03) predviđeno je osnivanje, djelatnost, upravljanje i ustroj kantonalnih fondova za zaštitu okoliša. Članom 25. stav (1) ovog Zakona



propisan je omjer raspodjele prikupljenih namjenskih finansijskih sredstava iz člana 18. ovog Zakona, a isti je 30% ovih sredstava pripada Fondu za zaštitu okoliša Federacije BiH i 70% ovih sredstava pripada Budžetima Kantona. Dakle, postoje namjenska finansijska sredstva za finansiranja aktivnosti i projekata u oblasti zaštite okoliša. Međutim, Fond za zaštitu okoliša Kantona Sarajevo nije uspostavljen.

Ujedno želimo istaći da u okviru Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo djeluje Centar za upravljanje kvalitetom zraka koji ima status osnovne organizacione jedinice - sektora, koji pored ostalog učestvuje u izradi prednacrt, nacrt i prijedloga propisa i općih akata; izradi i implementaciji strateških dokumenata Kantona Sarajevo u oblasti zaštite i poboljšanja kvaliteta zraka. Pored navedenog, unutar Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo djeluje Sektor za zaštitu okoliša u čijem je sastavu Odjeljenje za planiranje i realizaciju poslova upravljanja otpadom u čijoj nadležnosti se nalazi pored ostalog i obavljanje poslova koji su vezani za razvoj Regionalnog centra upravljanja otpadom (RCUO Smiljevići).

S obzirom na naprijed navedeno, a posebno na djelatnosti Javne ustanove "Centar za napredne tehnologije u Sarajevu" može se zaključiti da se ova pitanja koja se odnose na zaštitu okoliša i upravljanje otpadom ne mogu ni u kom slučaju dovoditi u vezu sa djelovanjem Javne ustanove "Centar za napredne tehnologije u Sarajevu", te ujedno smatramo neopravdanim da u slučaju kada postoje organi nadležni za obavljanje predmetnih poslova, obavljanje ovih poslova preusmjeravati Javnoj ustanovi "Centar za napredne tehnologije u Sarajevu".

S poštovanjem,



Dostaviti:

1. Naslovu,
2. Vlada Kantona Sarajevo,
3. Evidencija i
4. a/a